

光道
晉江縣志

第十本冊

卷之五十八至

卷之五十九

晉江縣志卷之五十八

人物志 方伎

明

余廷瑞

張壽

郭鍾

李鍾衡

陳璜

陳於王

莊心賢

郭漢

蔣際西

李賜

連希谷

蘇朝傳

伍金祚

李元達

陳從堯

黃學洙

王弼

林鍾

鄭敏季

王朝佐

國朝

陶碧

周之翰

謝珪

路鼎璋

黃良儀

諸葛晃

黃紹炳

周晉玉

施光發

倪梅英

林泉

何天伯

蔡泗德

郭徽

王夢

丁燧

額世業

莊克徵

鄭純一

陳嶽

朱祥若者

顏傑

潘靈芝

朱天賢

莊肇宏

黃大臨

卷之三

郭士曇

黃秉衡

明

顏志高

明

余廷瑞世業醫得長沙之運方氣之妙洪武中以薦授醫學正科閩郡鄭文公胡應高賦梅升秋香詩

張壽字樂靜永寧衛人書法善文詞今承天寺月臺其手書也孫宏綱進士五世孫美舉人

郭鍾字允樵宛心岐黃博覽醫學諸書精其藝子彬世其業孫楠

李鍾衡工詩文有畫譜作翎毛花石生趣非一狀呂筆稱其神腕同時有何龍王建章蔡應繚皆以善寫生稱絕藝

陳漢為人磊落負奇氣畫筆滿疎間放有米顗倪迂遺法陳於王工篆隸善詩畫鐫刻圖章尤精雅絕倫今開元寺粉樹八分書紫雲屏是其遺跡也

莊心賢寫生活現名著閩中稱為虎頭後月又有王興能畫浮屠佛像及大士

郭漢善繪山水翎毛點綴成象喜草書摹倣諸家隨時變

易人莫驗其筆跡嘗題其壁曰安分身無辱知機心自
閒年五十一卒

蔣際酉精於醫術途遇昇新喪往奠者木內滴出鮮血驚
問之曰胎產不下絕已終日際酉曰形體氣絕則血淤
血鮮未敗則神存速救無害主者啟視之果面顏不變
際酉曰心系甚微此胎要被觸驚持母心系急則氣絕
系針則復甦遂破一針嬰痛釋手呱呱下地母子俱全
道路傳為異聞其他奇驗率多類此卒後傳有松木几
等方行世

李賜初為儒得異授岐黃術活人無數年八十四卒

連希谷得海上丹方醫有奇效子孫皆以善醫名

蘇朝傳善範銅器凡彝鼎博山之屬一經鑄作無不精美

尤善為仙人海鶴之像至有高大餘者

伍金祚素好臨池楷法能臻其妙又精於行草凡晉唐榻本以及名公真跡一臨摹輒得其神遊于粵而卒

李元達善寫竹

陳從堯精於奕同時有蔡學海者亦以奕名

黃學洙善楷書初學晉帖復復益以歐虞顏柳書法著名

當世學使者受之拔置諸生

王弼小名盛世工詩文書畫尤善塑土寫真及諸仙佛像
獨造其微同時又有何朝宗者寓郡城善陶磁像為僧
伽大士天下傳寶之

林鍾習政伯術解陰陽第用以怡神自調攝性不豪飲而
喜佐飲酒中耳語多針砭之談與之促膝半宵勝服還
元丹數倍云

鄭子託於祿命之業工於詩蓋賢而隱者也著有鄭氣
字詩何喬遠為之傳

王朝佐字邦翰以詩鳴善書畫工山水學董北苑米南宮
自成一家畫難尤工妙無題祇揮洒輒出人意表得者
咸藏珍以為榮吳郡文徵明尤推重之

國朝

陶碧字石公順治年間人能詩尤精篆印時莆人吳晉拔
譟都下周亮工著閩小紀甲陶而乙吳世以為允且工
小楷人咸稱其刀筆入妙毛穎人能著有印鏡邑紳丁
詹允提為之序

周之翰字維侯為諸生草法自然莫可名狀

謝珪為諸生清介絕俗僧書師王寵自矜貴不肯尋常予人

路鼎璋太學生小楷學郭鼎京京福清人其字渾身筋骨相傳福州大路中有綿亭亭中其書也路力追之亦不肯濫作故留者甚少

黃良儀精星命多善行遊粵回經香山有窮遠投水者救起分金濟之

諸葛見善唐隸末有嗣音

萬紹炳號窠谷遵例急公校荆溪縣善募名蹟尤醉心國

朝王暉山水用大青綠凡大青綠最難用明惟徵仲擅此技而紹炳秀貼光彩迥異時人非大得意亦不肯為也

周晉玉字連章書法遒勁氣骨倣古名家尤工詩及古文詞性孝友慎取與康熙間以國學生與徐明史請海內施世范參政鄭燏祖極器重之

施光發善畫小幅山水片楮間具萬里勢明媚秀勁不施淺絳步步生活子元德亦善翎毛頗足掩迹畫家

莊克徵儒童善楷書學王右軍極為邑侯胡格器重要吳

氏亦能文善書子天澤孝行精醫書法亦工

倪梅英善花鳥草蟲尺幅皆足寶貴

鄭繩一字小霞精易卜善畫寫貓兒及蟹尤工詩文亦脫

俗

林泉能詩書畫篆文無不考究鄉士大夫及四方遊客多

與往來酬贈皆有墨林印林倦遊草窗發吟

陳徽字降生以畫名尤工毛羽圖形設色一時莫及性頗

矜惜雖貴家稍拂其意即解以重貲不為下筆

何天伯以醫名世凡素難脈訣經方本草十三科之書皆

洞極精微晚更詳究太素脉理言人休咎絲毫不爽今
城隍廟種德堂徐鏡心萬應神趙名馳天下其所授也
卒葬于花園後城邊之麓

東皞署者不肯自言姓名以屠為業暇則閉戶著書土墻
茅屋花竹幽清入其中不知其為屠者室也善寫蘆雁
無款識惟用一圖章東皞署者四字而已著書甚多曲
江廖燕為之傳

蔡泗德字鄰卿康熙年間人幼慧善奕會國手吳瑞徵來
泉盡得其傳一時無與敵後遊京師有妻子恩者絕藝

無對泗德與較再奕再勝

顏僕儀鳳子精詩畫山水菊花芭蕉皆肖父入妙尤篤倫
紀為時推重

郭微書法摹倣右軍畫則人物山水花鳥禽魚曲盡妙境
尤工指頭畫及水墨牡丹當道暨縉紳廷致之者無虛
日當事禮請鄉賓辭不赴郡守尹靖阿贈匾曰名崇月
旦年八十一卒

潘靈芝邑諸生能詩所畫山水卓然名家
王夢字飛卿善書畫其大字尤橫絕一時

來天賢少孤事母孝精醫術遊外國王病亟以良劑立愈
酬金幣不受請釋內地死罪刑全活二百餘人

丁燧郡諸生性直行方精草書彷彿懷素文士造門求字
者常數十人後隱於龍頭山一室蕭條名花異草法書
古畫怡然自得卒年七十五

莊肇宏家貧事父母孝以卜筮為業占驗輒奇中與名流
交遊談論陶然自得而世味澹如若著有謙齋集

額世業工詩精於琴理為諸生有名著此園集次瞻堂稿
虞倫紀敦篤可風而兼擅才藝云

黃大臨乾隆甲子歲貢為文深厚有力琴棋詩賦皆造其妙尤長於聲歌以詞曲名家

郭士曇精畫事山水人物俱能傳神凡有景色舟車亭榭川原機木皆追憶其生平所經歷之厚而酷摹之尤工毛羽細膩分明與陳嶽手筆相彷彿

黃秉衡世傳醫業復得異人指授濟世為懷以疾相延者每輟養應赴弗計申酬所試輒效人稱名醫

顏志高孝友精醫學每歲施靈丹數百有子孫延醫祖父概不受酬郡守張延鄉賓贈匾曰至仁不一